



## Universitätsbibliothek Paderborn

**D. Petri Chrysologi Archiepiscopi Ravennatis, viri  
eruditissimi atque sanctissimi, Sermones In Evangelia De  
Dominicis & festis aliquot solemnioribus totius anni,  
insignes & peruetusti**

**Petrus <Chrysologus>**

**Lvgdvni, 1623**

In verba eiusdem, Non est autem scriptum propter. Abraham tantum, &c.  
Sermo CX.

[urn:nbn:de:hbz:466:1-50232](#)

*In verba eiusdem, Non est autem scriptum propter.*

*Abraham tantum, &c. Sermo C X.*

B Eatus Apostolus primis & nouissimis, id est, Iudeis & Græcis, fidei vexillum vnicum, semper & singulare erigit ad salutem: quod quisquis habere non meruerit & tenere, cœlestium possidere non poterit gloriam triumphorum. Solum est fratres, quod contra perfidiam dimicantibus aciem dirigit, Regem indicat, cōnectit socios, impiumque hostem, sola sui visione terrificat. Sic enim hodie cœpit,  
*Non est autem scriptum proprier Abraham tantum, quod Rom. 4.*  
 reputatum est illi ad iustitiam: sed & propter nos credentes in eum: qui suscitauit Iesum Dominum nostrum à mortuis.  
 Videntis fratres, quia dum priores futura, dum præterita credunt posteri, sic uno itinere fidei utriusque perueniunt ad salutem: dum illi venturum Christum, nos iam venisse profitemur, illi usque ad mortem more hominis descensurum miratur & credunt, nos esse mortuum, & resurrexisse gloriamur. Et quid plura fratres? Ideo salus hæc tam antecedentium, quam sequentium oculis est negata, vi tota esset in fide. Quod autem dixit, *Qui suscitauit Iesum Dominum nostrum à mortuis.* Ne quis ab alio credat, ipse sui factor & resuscitator est corporis, qui dixit, Potestatem habeo; onedi animam meam, & potestatem habeo iterum sumendi eam, neque n. ab alio resurrectio suscipi, neque ab alio vivificari vita potuit: nec eadem negare sibi, quod erat omn. b. collatura. Quia nec fons sit, nec panis esurit, nec Sol indiget luce, nec requies ipsa lassebit. *Qui traditus est, inquit, propter delicta nostra: & resurrexit propter iustificationem nostram.* Traditus propter delicta, non vt ea quæ non poterat mori, vita puniretur, sed vt delicta quæ nos à vita

*Ioan. 10*

Bb exultaue

exultauerant, sola delerentur. Et resurrexit propter iustificationem nostram. Manente condemnatione iustificari nō potest condēnatus : nos ergo quos primi culpa sic parentis addixerat, ut mors obnoxios sibi iure retineret, Christus cœlestis & verus pater soluta mortis cōdemnatione per mortem propriā resurrectione iustifieat: ut non reus pereat, sed reatus: ipsaq; pœna, i. mors, quę reos fuerat iussa percellere, merito deficiat, & suę amittat insulas potestatis. Cur innocētem, cur ipsum iudicem crudelis & impia est ausa contingere? & ideo addidit. *Iustificati igitur ex fide pacem habeamus ad Deū.* Hoc est dicere, desinat, desinat mater dissēsionū, hostis quietis, pacis inimica contentio, nō extollatur ludens per legē, Gentilis nō superbiat per naturā, Philosophus ab opinionibus suis spumosis & inanib. detumescat: nemo de meritis, nemo de operibus gloriatur: quia vitam quam præuaricatio prima sustulerat, & elongauerat à nobis furiosa contentio, restituit & reddidit pax diuina. *Pacem habeamus ad Deum, per Dominum nostrum Iesum Christum.* Terra non rebellet in cælos, caro non insurgat in spiritum: sed supernæ pacis humilis perpetem iungatur ad gloriam. *Per quem accessum habemus.* Quia nobis ipse factus est via, *Fide in gratiam istam.* Dux vitae istius fides est fratres. *In quo stamus, & gloriāmur in spe gloriae filiorum Dei.* Stamus certe fide, non corpore: & in spe, non in re iam præcepta gloriāmur. *Non solum autem, sed & gloriāmur in tribulationibus scientes quod tribulatio patientiam operatur, patientia autem probationem: probatio autem spem, spes vero non cōfundit.* Ecce quibus æstatibus iustus perfectum roboratur in virum: in tribulatione, patiētia, probatione, spe. Tribulatio fratres, velut prima iusti viri concutit & conūrbat infantiam: sed cum inuenierit ista patientem, ad maiora adolescentē iam

Rom. 5.

iam bonæ indolis tunc erudit. *Tribulatio patientiam operatur.* Patientia est fratres, quæ Christi iuuenem aptum probat esse virtutibus. *Spes vero non confundit.* Spes est quæ virum perficit, & ad mensuram Christi plenitudinis indefessa producit. Perfectæ virtutis est, quod in re non teneas speci robore possidere. *Quia Charitas Dei diffusa est in cordibus nostris per Spiritum sanctum, qui natus est nobis.* Et ut diffusæ in nos diuinæ charitatis ostenderet qualitatem, adiecit: *Vt quid enim Christus, cum adhuc infirmi essemus, secundum tempus pro impiis mortuus est?* *Vix enim pro iusto quis moriatur: nam pro bono forsitan quis audeat mori.* Commendat autem charitatem suam Deus in nobis: quia adhuc cum peccatores essemus, Christus pro nobis mortuus est. Si Christus genus hominum sic dilexit, ut daret pro impiis & peccatoribus mortem suam: iustis eum qui credimus largiturum, quam vitam suam, regnum suum, gloriam suam? Ex te suscepit mortem, quam impiis impenderet super terram: reseruat tibi, quod in se, & per se semper possidet, & possidet in cœlo. *Psal. 115,* camus ergo cum Propheta: *Quid retribuam domino pro omnibus quæ retribuit mihi?* Calicem salutaris accipiam. Hoc est, & ego moriar pro illo. Et quid simile? Ille sponte pro impio & peccatore: ego vix pro iusto & bono: ego vix, quia me ad mortem non tam voluntas, quam necessitas ducit. Audi ipsum decentem ad Petrum: *Cum autem senueris, præcingeret te alius, & ducet quo tu non vis.* In aduersis fratres, necessitas voluntati non potest comparari: acquiescere necessitatis est, velle virtutis. Volenti mors ipsa subiecta est, quia semper dominata est mors nolenti. Et tamen fratres, quia diuinæ charitatis nil simile potest homo redhibere, det quod potest: quia secundum quod habet, acceptus est. Deficiat

*Ivan. 21.*

ad gloriam , moriatur ad vitam , pereat ad salutem .  
 Gloriemur fratres , de noua istius commutatione  
 commercij: quia mors quę erat inter homines repara-  
 io tota pietatis , per Christum diuinæ commenda-  
 tio est facta charitatis .

*In verba eiusdem, Propterea sicut per unum hominem  
 peccatum in hunc mundum intravit, &c.*

*Sermo C XI.*

*Rom. 5.* Ræsens fratres , Apostoli lectio cum dicit , per  
 vnum hominem mundum totum suscepisse sen-  
 tentiam : non ad perorandum nos , sed ad flendum  
 renouato & intimo dolore compellit . Si enim exi-  
 mij vates singularis populi , & vnius vrbis , ac solius  
 nonnunquam hominis diu lamentauere discrimen ,  
 quæ mens non totis tenebris obscuretur , quos sen-  
 sis non tota hebetudo confundat , quos oculos non  
 redigat in fontes , & fluenta lachrymarum , quando  
 vnius lapsus extitit ruina cunctorum , & vnius culpa  
 omnium defluxit ad pœnam , ac parentis vitium v-  
 niuerso generi exitium ferale præparauit , dicente  
 Apostolo : *Propterea sicut per unum hominem in hunc  
 mundum peccatum intravit , & per peccatum mors . Mis-  
 errunt me , ipse qui erat causa bonorum omnium , ianua  
 factus est hic malorum . Peccatum in hunc mundum in-  
 travit . In hunc mundum : miraris eum posteris ob-  
 fuisse , qui facinore suo damnauerit mundum ? Sed  
 dicis , quomodo intravit , per quem intravit , quo-  
 modo ? Per culpam . Per quem ? Per hominem . Et  
 quid ? Peccatum natura , an substantia ? Nec natura  
 est , nec substantia , sed accidens : & aduersa est hæc  
 potestas quæ videtur in opere , sentitur in pœna , im-  
 pugnat animam , vulnerat mentem , ipsam violat , con-  
 funditque naturā . Et quid plura fratres : Hoc est pec-  
 catum*